

Fundur veikindarétt fimmtudaginn 15. nóvember 2007, 14. fundur

12/2007

Nefndina skipa fulltrúar samningsaðila að samkomulagi BHM, BSRB og KÍ við fjármálaráðherra, f.h. ríkissjóðs, Reykjavíkurborg og Launanevnd sveitarfélaga (LN) frá 24. október 2000 um tiltekin atriði (þ. á m. veikindarétt) er varða réttindi starfsmanna í framangreindum samtökum.

14. fundur

Fundur var haldinn í samráðsnefnd um veikindarétt fimmtudaginn 15. nóvember 2007 í fjármálaráðuneytinu, Arnarhvoli, og hófst fundurinn kl. 14:00.

Mætt voru: Stefán Aðalsteinsson (BHM), Eiríkur Jónsson (KÍ), Sigurður Á. Friðþjófsson (BSRB), Sigurlaug Kristín Jóhannsdóttir (fjr.), Kristín Þóra Harðardóttir (RVK) og Guðrún Ósk Sigurjónsdóttir (LN) sem ritaði fundargerð.

Þetta gerðist:

1. Kosning formanns/varaformanns og ritara/vararitara

SA var kjörinn formaður og SÁF til vara. GÓS var kjörin ritari og SKJ til vara.

2. Erindi formanns Félags leikskólakennara

Erindið er dags. 6. september 2007. Það varðar veikindarétt eftirlaunaþega í B-deild LSR sem er með ráðningu í hlutastarf (minna en 50%) á leikskóla skv. kjarasamningi LN og KÍ vegna Félags leikskólakennara. Ágreiningur er um hvort gr. 11.2.3 eða gr. 11.2.1 í kjarasamningi eigi við um veikindarétt viðkomandi. EJ gerði frekari grein fyrir erindinu.

Nokkrar umræður urðu um málið og annað því tengt. Meðal þess sem kom fram er að á sínum tíma þegar samið var um umrædda gr.11.2.3 og aðrar sambærilegar greinar í öðrum kjarasamningum á opinberum vinnumarkaði þekktist varla að eftirlaunaþegar væru ráðnir á mánaðarlaun. Það gat því ekki verið ætlun manna á sínum tíma að túlka orðalagið "eða annars konar vinna" í nefndri grein þannig að það tæki til eftirlaunaþega með ráðningu á mánaðarlaun.

Fundarmenn voru sammála um að gr. 11.2.3 tæki ekki til eftirlaunaþegans í umræddu tilviki þar sem hann er ráðinn á mánaðarlaun. Af því leiðir að gr. 11.2.1 á við um veikindarétt hans.

3. Erindi formanns SFR ? stéttarfélags í almannajónustu

Erindið er dags. 7. nóvember 2007. Það varðar veikindarétt veiðieftirlitsmanns hjá Fiskistofu, nánar tiltekið túlkun á gr. 12.2.6 í kjarasamningi félagsins og ríkisins. SÁF gerði frekari grein fyrir erindinu.

Fundarmenn töldu rétt að afla frekar upplýsinga um atvik máls. Ákveðið var að SÁF myndi afla frekari upplýsinga um umrætt tilvik/ágreining og að SKJ myndi afla frekari upplýsinga hjá Fiskistofu um eftirtalin atriði; i) framkvæmd stofnunarinnar á gr. 12.2.6 að því er varðar umrædda starfsmenn, ii) fyrirkomu-lag yfirvinnugreiðslna meðan umræddir starfsmenn eru í landi eftir því hvaða verkum er sinnt, þ.e. landeftirliti, skrifstofuvinnu eða öðru svo sem setu á námskeiðum og iii) túlkun og framkvæmd á 3. gr. í samkomulagi um kjör veiði-eftirlitsmanna á Fiskistofu frá 6. apríl 2006.

4. Önnur mál

i) SÁF greindi frá fyrirspurn sem BSRB barst varðandi veikindarétt sjúkraliða á Hrafnistu sem er ráðinn á mánaðarlaun þrátt fyrir að vera orðinn eldri en 70 ára. Nokkrar umræður urðu um fyrirspurnir vegna ágreinings hjá vinnuveit-endum/stofnunum sem ekki eiga aðild að samkomulaginu frá 2000. Fundarmenn töldu ekki sjálfgefið að nefndin ætti að taka til afgreiðslu slík erindi.

ii) SKJ dreifði drögum fjr. að nýjum leiðbeiningum ráðuneytisins um veikindarétt, þ.e. drögum að dreifibréfi um túlkun og framkvæmd veikindaréttar starfsmanna sem ráðnir eru á mánaðarlaun til tveggja mánaða eða lengri tíma. Um var að ræða lokadrög sem þó kunna að breytast eitthvað áður en þau verða birt en gert er ráð fyrir að dreifibréfið verði fljótlega birt á vefsíðu ráðuneytisins.

iii) Næsti fundur var ákveðinn fimmtudaginn 22. nóvember nk. kl. 15:00 í húsa-kynnum BHM í Borgartúninu.

Fleira var ekki gert og var fundi slitið kl. 15:00.